

Oz è igl De dalla pasch



SETTEMBER

Igl De dalla pasch

Scu fast te pasch? Forsa cun dar igl mang e deir: «Faschainsa pasch»? Igl De dalla pasch, igls 21 da settember, duessan tots calar da sa cumbatter l'egn l'oter. Las armas stuessan atgnamaintg tascheir chel de.

Sen igl mond dattigl adegna puspeghera. Bleras persungas moran. Martgeas e vischnancas vignan destruias. Famiglias ston fugeir da lour datgesa. Siva las terriblas gheras mundialas on blers carstgangs detg: «Nous lagn mai ple ghera!» Per la pasch tranter igls paeis varda l'ONU – L'Organisaziun dallas Naziuns Uneidas. Bunamaintg tot igls paeis digl mond èn commembers dall'ONU. Mintg'onn anturn igls 21 da settember fò l'ONU ena gronda conferenza.

Perchegl ò ella declaro chel de scu De internaziunal dalla pasch. L'ONU propona a tots da far chel de ena minuta da silenzi, exact da mezde. Te sast er malager cun creida chel de simbols da pasch sen veias e passapes.

Igl pled rumantsch «pasch» vign digl pled lategn «pax». Igls plects engles «peace», taliang «pace» e spagnol «paz» èn fitg sumigliants. Canoschas te igl pled «pasch» anc an oters lungatgs?





Tge è pasch?

Scu fast te pasch?

Tge calours stattan per la pasch?

Tge è bel ve digl far pasch?




Tge simbols da pasch canoschas te?

Scu fon igls ties genitours pasch?

Craps da pasch

- 1 Tschertga aglmanc set craps. Igl craps duessan esser pitost plats, bler pi gronds tg'en bau da Nossadonna e pi pitschens tgi la meir da Brutus.
- 2 Colurescha mintga crap cun las calours dalla pasch. Las calours dalla pasch èn las calours digl artg an tschiel: violet, blo, blocler, verd, mellen, oransch e cotschen.
- 3 Cura tg'igls craps èn sitgs, post metter tots ainten en glas da lugar-gia ed igl sarar cun igl viertgel. En satget u ena tastgigna von er.
- 4 Mintg'eda tgi te ast carplina cun ensatgi, sast te regalar a chella persunga en crap per far pasch. Te sast er far maletgs cun igls ties craps dalla pasch: metta se els an en rentg, fò en cor, fò en smiley, fò ena figura ansemen cun la tia ameia, etc.



udo peace
Мир



rahu



fred paz
rauhaa
uxolo

Frieden
paix